

## Sipòte Jèn Elèv K ap Aprann Anglè yo nan Poze epi Reponn Kesyon sou yon Eksperyans

Laboratwa Edikasyonèl Rejyonal  
Wès, Nòdwès,  
Nòdès ak Zile yo

*Soti nan Sant Nasyonal pou Evalyasyon Edikasyon nan IES*

Fanmi ak moun k ap bay swen yo, ou jwe yon wòl enpòtan nan aprann langaj pitit ou. Timoun yo ka ranfòse langaj yo chak jou nan poze epi reponn kesyon sou yon eksperyans. Nan aktivite sa a ou pral mande pitit ou pou l pale sou yon eksperyans li te fè..

Mete nan tèt ou:

- Oumenm ak pitit ou ka itilize lang natif natal ou oswa Anglè, kèlkeswa sa ki pi fò pou ou.
- Poze kesyon ak reponn nan lang natif natal ou pral ede pitit ou ak Anglè a tou.
- Jwi tan sa a avèk pitit ou. Aprann Ansanm se yon plezi!

### Poukisa yo dwe poze ak reponn kesyon sou yon eksperyans?

Poze ak reponn kesyon sou yon eksperyans pèmèt timoun yo ranfòse langaj yo.

#### An nou kòmanse!

Swiv etap ki anba yo. ***Gade nan do a pou w jenn lide sou eksperyans ak plis sipò langaj.***



- **Etap 1: Pataje, li** sou, oswa kreye yon eksperyans avèk pitit ou andedan oswa deyò kay la. Egzanp: *Prepare yon manje oswa fè yon ti mache nan vwazinaj ou ansanm.*



- **Etap 2: Poze kesyon** sou eksperyans la anvan, pandan, oswa nan fen an.
- Ede pitit ou “detire langaj yo.” Si pitit ou reponn kesyon avèk yon mo, mande li pou ajoute plis nan reponn yo. Ou ka prezante sa pou li.
  - Poze kesyon sipèfisyèl ak pi gwo-nivo. Kesyon - sipèfisyèl yo ede pitit ou sonje sa yo te fè ak wè. Egzanp: *Ki twa bagay nou te wè nan pak la?* Kesyon ki gen pi gwo nivo - yo ede pitit ou panse plis sou eksperyans la ak mete lide yo ansanm. Egzanp: *Èske ale nan pak la pi bon pase jwe jèt videyo? Poukisa?*



- **Etap 3: Ankouraje** pitit ou **desine oswa ekri** sou eksperyans la.

**Objektif Aprantisaj la:** Timoun yo pral ranfòse ladrès langaj oral yo

**Klas:** Jadendanfan–3yèm ane

**Materyèl:** Idantifye oswa kreye yon eksperyans ou ta renmen pataje avèk pitit ou; Papye ak kreyon koulè, kreyon oswa makè

## Aktivite pou Fanmi ak Moun k ap bay swen: Sipòte Jèn K ap Aprann Anglè yo Poze ak Reponn Kesyon Sou yon Eksperyans

### Kalite Eksperyans Andedan Lakay la Pou w Pale ak Pitit ou.

- Prepare, kwit, oswa manje yon manje
- Jwe yon jwèt
- Oganize yon chanm (yon kwizin, twalèt, oswa chanm a kouche), yon etajè oswa yon tiwa



### Kalite Eksperyans Deyò Lakay la pou w Pale ak Pitit ou

- Fè yon ti mache ozalantou katye a
- Jwe nan yon plas ki gen sekirite
- Obsève yon bagay deyò (bèt, ensèk, flak dlo, pye bwa, nyaj, elatriye.)



### Plis sipò langaj

Pitit ou ka detire oswa devlope langaj yo lè yo poze ak reponn kesyon sou yon eksperyans. Konsidere itilize kesyon ak repons anba yo pandan w ap diskite sou yon eksperyans avèk pitit ou.

Kesyon Sipèfisyèl pou w Mande Sou yon Eksperyans	Repons Posib yo
Kisa w te remake?	Mwen te remake ____.
Sou kisa w ap panse ____?	M ap panse sou ____ ak ____.
Ki bagay nouvo ou te aprann Jodi a?	Yon bagay mwen te aprann se ____.

Kesyon ki gen pi Gwo Nivo pou w poze sou yon Eksperyans	Repons Posib yo
Di mwen plis sou poukisa ____ te rive.	____ te rive paske ____.
Di mwen kijan ou ka jwenn repons sa a.	Mwen panse/konnen ____ paske ____.
Di mwen kijan w konnen ____.	Mwen konnen ____ paske ____.
Di mwen poukisa ou panse/santi ____.	Daprè mwen, ____ paske ____.

### Defi Lang:

Timoun yo ka ranfòse langaj yo chak jou nan poze ak reponn kesyon sou yon eksperyans. Kounye a pandan pitit ou **reponn kesyon yo**, ankouraje yo **poze kesyon** pou kapab reponn sou yon eksperyans. Timoun ka kreye pwòp kesyon yo pou yo mande w oswa yo ka itilize kèk nan kesyon yo ki sou tablo anwo a. Poze kesyon pèmèt pitit ou detire langaj yo chak jou.